

নবরাহা!

(পঞ্চরং)

রয়েল বেঙ্গল থিয়েটারে অভিনীত

শ্রীবিহারীলাল চট্টোপাধ্যায়

প্রণীত।

(১৭ নং তারক চট্টোপাধ্যায়ের লেন হইতে)

শ্রীললিতমোহন চট্টোপাধ্যায় কর্তৃক

প্রকাশিত।

কলিকাতা

৬ নং ভীমঘোষের লেন

গ্রেট ইন্ডিয়ান প্রেস

ইউ, সি, বসু এণ্ড কোম্পানি

কর্তৃক মুদ্রিত।

১লা জানুয়ারী ১৮৯৭।

মূল্য ৮০ ছই আনা মাত্র।

পঞ্চরংয়ের পাত্রপাত্রীগণ ।

পুরুষ ।

ব্রহ্মা ।

বিষ্ণু ।

মহাদেব ।

নন্দী ।

কলি ।

অনাচার ।

মহামারী ।

স্ত্রী ।

ভগবতী


মদিবা ।

হৃৎকি ।

স্বকৃতি ।

স্বনীতি ।

কামকগণ, স্ত্রী ও পুরুষগণ, ইংরাজ ডাক্তার, কীর্তিদার,
অনেক সুখ, ব্রাহ্মণগণ, অনেক যাতাল, মহা-
কোড়োয়াল, গাহারাওয়াল প্রভৃতি ।



নবরাহা


বা

ষগ-মাহাত্ম্য ।

প্রথম দৃশ্য ।

কাশী—কুঞ্জকানন ।

(কলির প্রবেশ)



কলি । জ্বালাতন হলেম জ্বালাতন হলেম ! কেন মরতে
রাজ্যের ভার নিয়েছিলেম ! একদণ্ড অবসর নেই যে একবার
শ্বর হয়ে খানিক বসি । যে দিক না দেখব, সেই দিকে ছয়ো
কুয়ো উঠে ধর্মের ডঙ্কা বেজে ওঠে । আমার পাত্র মিত্র কন্দ-
চারীগুলো বড় নাকারা, কেবল বসে বসে খাচ্ছেন আর ভুঁড়ি
বাড়াচ্ছেন । বেটারা দিনের বেলা কেবল দাবা পাশা তাস
খেলে সময় কাটায় আর রাত্রি হলে যো যুবতী ও মদের
কোয়ারা উঠিয়ে হেঁটে করে মেতে বেড়ায় । রাজ্যে কোথায় কি
হচ্ছে, তার কোন খবরই রাখেনা । ভগবান্ আমার ঘাড়ে
রাজ্যের ভার দিয়ে কেবল বিড়ম্বনা করেছেন, আমি একা
মানুষ, কদিক্ সামলাই !

(আলুথালুবোশা রক্তাস্বর পরিধানা মদিরার প্রবেশ)

(গীত)

মদিরা ।— মাথায় হাত দিয়ে প্রাণনাথ,

বল মোরে সত্য করে ।

কেন রাতদুপুরে আমোদ ছেড়ে,

এলে ঘোর বাদাড়ে উষ্ম করে ॥

(অঘোরপত্নীবেনী অনাচারের প্রবেশ)

অনাচার ।— লয়ে এই মোর প্রাণসজনি,

সেবি তোমায় রাজা দিন যামিনী,

দিছি ছারেখারে ভারতেরে,

বিলাতী আমদানির জোরে ॥

(জীর্ণ শীর্ণ কঙ্কালসার হৃভিক্ষের প্রবেশ)

হৃভিক্ষ ।— সবার খাবার পাট করেছি লোপাট,

ঘুচিয়ে দিছি মালসাট্,

ক্ষিদেয় আকুল হয়ে বাতুল,

কচ্ছে চাদিকেতে মারু কাট্,

খেলেছি বড় মজা এবার রাজা,

ধরা রাণীর শস্য হরে ।

(জটাধারী রক্তমূর্তি দণ্ডহস্তে মহামারীর প্রবেশ)

মহামারী ।—করে নানা যোগাড় মহামারি,

কচ্ছি রাজা প্রজা সাবাড়,

দেখাব কেরামতে দিন দুয়েতে,

ভারতে একাকার করে ॥

সকলে ।— রাজা রাজড়ার ঘরে ঢুকে,

ভাগিয়েছি সে ধর্মটাকে,

তাদের খানা খাওয়াই, হাসাই নাচাই,

শ্লেচ্ছ ম্যামের হাত ধরে ॥

কলি । তোরা সকলে তা শুছিয়ে গাছিয়ে এক রকম তুলছিস বটে, কিন্তু এখনও ঘরে ঘরে অন্তর মহলে ধর্মের জোর ভাঙরে গাঙ্গের সাঁড়া সাঁড়ি বাণের মতন তোলপাড় করে বেড়াচ্ছে ! যদি ফিকির করে ছড়াকাঁট বাসিপাট করা কাঠকুড়ুনীদের অন্তরের বাইরে আনতে পারিস, যদি তাদের বারব্রত পূজো অর্চনা উঠিয়ে দিয়ে নূতন ক্যাসান চুকিয়ে দিতে পারিস, তাহলে জানলুম আমার রাজত্ব করবার পোক্ত বনেদ হ'ল, আমি তার উপরে হেলায় রেক্তার গাঁথনি তুলতে পারব ।

সকলে । (পরস্পরে) এইবার সারলেরে বড় শক্তাশক্তি ব্যাপার !

অনাচার । “বড় বড় বানরের বড় বড় পেট, লক্ষা ডিঙ্গোতে মাথা করে হেঁট !” কেন বাবা, শক্ত কিসে ? যদি সুরুচিকে কোশলে বশে আনতে পারি, ভারতের সুনীতিকে

উড়িয়ে নিয়ে পিটান দেব ! আমি বিলাতী সভ্যতার চকচকে বেশ পরে এখনি তাদের মুণ্ডপাত কবতে চল্লেম ।

কলি । কুস্তুর মেলায় তারা হরিদ্বারে স্নান করবার জন্তে বেরিয়েছে, আজ কাশীতে এসে উপস্থিত হয়েছে, পঞ্চকোশী করে শেষ রাত্রে কেদারঘাটে নাইতে আসবে, বাগিয়ে জুগিয়ে তুই তাদের আমার কাছে হাজির করে তোর জহরীপণা দেখাদেখি ।

অনাচার । যথা আজ্ঞা মহারাজ, আমি এখনি চল্লেম ।

[প্রস্থান ।

কলি । তোমরা সকলে তৎপর হয়ে পুণ্যভূমিকে উৎসন্ন দাওগে, তাহলে আমার পরম শত্রু ধর্মের পৃথিবীতে আর দাঁড়াবার স্থান থাকবে না ।

[অন্ত্যান্ত সকলের প্রস্থান ।

তিনি দেবতাদের সঙ্গ নিয়ে, পৃথিবীর সকল স্থান খুঁজে খুঁজে, এই কাশীধামে আসন পাতবার যোগাড় করেছিলেন । আমি যেমনি সন্ধান পেয়েছি, অমনি সদলবলে তাঁকে তাড়িয়েছি, এখন শুনছি মেয়েগুলোর আবদারে ছেলে সেজে, আঁচল ধরে লুকিয়ে লুকিয়ে বেড়াচ্ছেন । অনাচার যদি একবার ঐ মেয়ে-গুলোকে ঝাঁসায় ফেলতে পারে, তাহলে বাবাজীর আর লক্ষ্য-স্থল থাকবে না । যাই, এখন রাজপুরুষদের কাঁধে ভার করে রাজ্য প্রজার মনান্তর বাধিয়ে দেবার যোগাড় করিগে ।

[প্রস্থান ।



দ্বিতীয় দৃশ্য ।

কাশী—কেদার ঘাট ।

স্মৃতি ।

(গীত)

ছি ছি ছি দেশাচারের মুখে ছাই ।

ঘর কন্না রান্না বান্না, মনে আর লাগেনা ভাই ॥

অন্দরেতে বন্ধ থেকে, হয়েছিল প্রাণ জ্বালাতন,

মেলায় নাইতে এসে মনের আশে

পথে পথে কচ্ছি ভ্রমণ,

ফাঁকায় এসে ফ্যাসান দেখে,

ইতি উতি যেতে চায় মন—

ইচ্ছা করে গাউন পরে,

ম্যামের মতন বেড়িয়ে বেড়াই ।

নিম্নরুদে গোমড়ামুখো ভাতারে আর রুচি নাই ॥

(স্মৃতির প্রবেশ)

স্মৃতি ।—

(গীত)

আমি চাইনেক লো বিবির বেশ ।

ছড়া ঝাঁট আর ঘর নিকোনোয় আছি বেশ ॥

করে রান্না বান্না মনের স্মৃথে,

দিয়ে দশপাতে ভাত হান্ড মুখে,

কাটাই স্বামী সেবায় পরম সুখে,
পাইনাত লো কোন ক্লেশ ॥

স্মৃতি ।—

(গীত)

স্বনীতি তোর ও স্বনীতি কে শুনতে চায় ।
সখের প্রাণে সাধ মেটেনা, অন্তরে বন্ধ থাকায় ॥

দেখে কাঁচা পাকা ফাঁকায় এসে,
টেঁকির বাঁকা মুখ কে ভাববাসে,
উল্লাসে মন হেসে হেসে যায়নো ভেসে,
মজতে হাল ফ্যাসানের ধরণ ধাঁচায় ॥

পাখী হতেম ডানা পেতেম,
ফস্ করে ভাই উড়ে যেতেম,
ধরে নবরাহা প্রাণ জুড়াতেম,
লয়ে নতুন ঢংয়ের নাগরট্টাদায় ॥

(শূন্য হইতে পাশ্চাত্য সভ্যবেশে অনাচারের অবতরণ)

অনাচার ।—

(গীত)

Oh ! Don't you weep, don't you weep !

Wipe off tear, sweet dear !

I come in haste, from the far West,

To reform your taste, don't you fear !

Pause not, blush not to kiss me quick,

Embrace, enjoy, sweet love ! speak, speak.

I'm fond of the sex that is weak and meek,
 Let me lick the sweet honey from your rosy cheek.
 I come to dispel your harrow, to soothe your sorrow
 And make you cheer,
 Play polo with you, dance and sing
 And soar high on the air—
 Evening and noon, enjoy honeymoon
 I'll lead you to London Faucy Fair !

(সুরুচিকে লইয়া তিরোভাব)

সুনীতি । ওমা কি হ'ল কি হ'ল ! এ কে এল ? সুরুচিকে
 নিয়ে কোথা গেল ? ধর্ম্মকর্ম্ম জাতজন্ম সব গেল সব গেল ! যাই
 যাই, পালিয়ে প্রাণ বাঁচাই ।

[ক্রত প্রশ্নান ।

তৃতীয় দৃশ্য ।

শান্তিপুর—রাজপথ ।

(ব্যাল্লচর্নের ফতুয়া গায়ে ও পাঞ্জাবী পাগড়ী মাথায় মহাদেব,
 বেনারসী গাউন ব্রাহ্মিকা ক্যাপ্ ইয়ারিং কাণে ভগবতী
 ও তল্পী স্কন্ধে নন্দীর প্রবেশ)

ভগবতী । আমি তো আর হাঁটতে পারিনি । ঋষিশ
 ভাঙ্গড়ের আচাতুর্য্য আবদার শুনতে শুনতে চিরকালটা জলে
 মলেম । বটঠাকুর ঠাকুরপো দিব্য কলের গাড়ী চড়ে
 কলকেতা সহব দেখতে গেল, আমাকে ইনি রেল চড়লে

বে-আবরু হব বলে পাঁওদলে বনবাদাড় ভাঙ্গিয়ে হাঁটিয়ে নিয়ে
চলেছেন। আমি কোন্‌কালে কবে হেঁটেছি? বনবাদাড়
রপ্টে কাঁটা খোঁচা লেগে পাছুটো একেবারে রক্তারক্তি হয়ে
গেছে। নন্দী! তুইও বাছা বড় বোকা, যদি বুড়ো ষাঁড়টা
ছুতে আনতিস তাহলে এত পেরেসান হতে হত না।

নন্দী। কি করব মা! বাবা যে মানা করলেন, আমি ঠুর
ছকুমতো ওদল করতে পারিনি, কাজে কাজেই ষাঁড়টাকে চরে
খেতে ছেড়ে দিয়ে এসেছি।

মহাদেব। আমার সে সবে-ধন-নীলমণিকে এখানে আনলে
কি আর কিরিয়ে নিয়ে যেতে পারতেন? চারদিকে মিউনি-
সিপ্যালিটার লোকেরা দড়াদড়ি হাতে করে ষাঁড় খুঁজে
বেড়াচ্ছে। আমার সে বুড়ো এঁড়টাকে দেখতে পেলে তখন
ভারা খেপ্তার করে স্ক্যাভেঞ্জারে জুতে দিত, তাহলে এ বুড়ো
বয়েসে আমার হাড়ীর হাল হত। একেত নন্দী সিদ্ধির কুঁড়ি
ও নিমের নাড়না ভুলে এসে আমার নাকাল করেছে, সশ্বিত
বিনে প্রাণে আর সশ্বিত নাই। গিন্নি! যদি জোগাড় যাগাড়
করে কোন গেরস্থর ঘরে ঢুকে একখানি শিল যোগাড় করে
খানিক সিদ্ধি বেটে দাও তাহলে প্রাণ বাঁচে, গা হাত পা
কামড়ে এবার হাড়-মড়মড়ানির ব্যায়রাম হল দেখছি।

ভগবতী। তোমার কপালে আশুণ, ছাই মেখে মেখে
কি ছেয়ের কথাই শিখেছেন! অঙ্গ একেবারে জল হয়ে গেল।
মিন্দের সঙ্গে ছুটে ছুটে ওপরটান ধরে এখানে হাঁক ছাড়তে
এলুম, রসের কথা কয়ে প্রাণ শীতল করে দিলেন। যাওনা,
তোমার পেয়ারের কুচনিপাড়ায় যাও, তারা কদর করে তাং

খাঠয়ে তোমায় আগড়ভোম করে নাচাবে ! আমার যেমন কপাল, ঘরেও ভাত নেই, মনেও সুখ নেই, চোখ-থেকে বাপ মা একটা খেপা শ্মশানবাসীর হাতে দিয়ে রুদ্রাঙ্গসার করেছে ! তাই ছাই সে নিজস্ব হয়ে বশে থাকে, তবুও মনকে প্রবোধ দিতে পারতেন। ইনি মহাযোগী, ঘরকন্নায় কিছুই মনোযোগ নেই, কেবল টো টো করে ঘূরে বেড়ান আর সতীনকে মাথায় করে আমার হেনস্থা করেন। মিন্‌সেকে সাপেও কাটেনা, বাঘেও খায়না, বিষ খেয়েও মরেনা ! আমি নিজে একবার মরে কেমন নাকাল করেছিলুম ? এবার কলকেতায় পৌঁছুলে হয়, পগার পার হয়ে কালীঘাটে লুকিয়ে তোমার মজা দেখব !

মহাদেব। তোমার পায়ে পড়ি দেবি ! বুড়া বয়েসে আর আমায় দুঃখ দিওনা। আমি এই জন্তেইতো তোমায় সঙ্গে নিয়ে কোথাও যেতে চাইনি ! যে ছই ছেলে বিইয়েছ, তাদের জ্বালায়তো রাত দিন জ্বালাতন পোড়াতন হচ্ছি ! কাঠিকে বেটা তো ক্ষুদ্র নবাব, খোষপোষাকে বাহাল-তবিয়াতে কেবল ইয়ার্কি দিয়ে বেড়ায় ; ঘরে ভাত নেই, তায় তার ক্রফেপ নেই, সরিফান্ মেজাজে কালাপেড়ে কাপড়ের লম্বা কোঁচা উড়িয়ে ফটিকচাঁদা সেজে পাড়ায় পাড়ায় বেড়ায়। আর ঐ হাতী মাথা গণশা বেটা দিনরাত সিদ্ধি খেয়েই ভোর, কয়েফে কায়দা কানুন নেই, বুজুকিতে লোকের চোখে ধুলো দিয়ে “সিদ্ধিদাতা” খোষ নাম জাহির করছেন।

ভগবতী। তুমি আমার যেঠের বাছাদের অমর করে গাল দিওনা। তারা নবাবী করুক আর যাই করুক, তোমার ঠেয়ে কাড়পাতিও চায়না, তোমার কিছু ওড়ায়ওনা, তারা তোমার

মুখ ঝামটা সবার কি ধার ধারে? ফের যদি তাদের কিছু বলবে
তো টের পাবে!

মহাদেব। কেন, কার্ত্তিকের ময়ূর নেলিয়ে আমার সখের
সাপশুলোকে খাইয়ে দেবে নাকি? না গণেশের ধেড়ে ইঁদুর
ঠেকিয়ে দিয়ে আমার ভিক্ষের ঝুলির চাল সাবাড় করে দেবে?
যাক, ও বাজে কথা নিয়ে বিতণ্ডায় আর কাজ নেই। নন্দী!
সম্মিত পানের তো কোন যোগাড় দেখতে পাইনি, এক ছিলিম
তুরিতানন্দ সেজে দাও, টেনে কলকেতার দিকে যাওয়া যাক।

নন্দী। যে আশ্রয় প্রভু।

(গাঁজা সাজিয়া মহাদেবকে প্রদান)

(গীত)

বব ব্যোম ব্যোম ব্যোম

বব ব্যোম ব্যোম ব্যোম,

হর হর হর হর ব্যোম ব্যোম ব্যোম।

জয় জয় রাম জয় জয় রাম বাজরে তম্বুরা,

সপ্তম্বর বোল হরি-হর হরুদম্।

তাদের তিনে এক, দোনো নারে একমেবাদ্বিতীয়ম্ ॥

[সকলের প্রস্থান।]

চতুর্থ দৃশ্য ।

আম্যপথ ।

(শীর্ণকায় জীর্ণবাস কৃষকগণের প্রবেশ)

(গীত)

বাপ্পরে বল্ পালিয়ে বাঁচি কোন্ দেশে ।
দিনান্তে পাইনা খেতে, খাজনা দেব আর কিসে ॥
কলি-রাজার নাইক হায়া নাইক মায়া,
নাইক ধরম নাইক দয়া,
হাড্ডি সার নীরস প্রজার ঘাড্ডি ভেসে রক্ত শোষে
নরমের বাঘ এনারা, আশ্ফালনে করেন সারা,
শক্তুর কাছে ভণ্ড ভক্ত
দোহাই দিয়ে পা পরশে ॥

(জনৈক ফাঁড়ীদারের প্রবেশ)

ফাঁড়ীদার । এ বদ্মাস খানাবদোষ্! সোর মাচাতা কোন্
মচলবমে ? হাম দেখতে হেঁ তোমলোক বদ্মাস ডাকু,
কোহিকো দৌলৎ লুঠনেকো ফিকির করতে হেঁ । চল্বে চল্
থানেমে চল, মাজ্জিষ্টর সাব্‌কো পাশ হাল মালুম কর্‌দেজে ।

[প্রহার করিতে করিতে লইয়া প্রস্থান ।



পঞ্চম দৃশ্য ।

হালিসহরের রাস্তা ।

(কতকগুলি গ্রাম্য স্ত্রীলোকের প্রবেশ)

(গীত)

কোন্ পাপে পাই দারুণ তাপ বাপ্রে বাপ্ !

পেটের জ্বালায় মরছি কেঁদে,

আবার হুজুগ-রোগের একি দাপ ॥

শুনছি বোম্বে হতে রোগ আমদানি,

বাঙ্গলা দেশে কেউ দেখেনি,

তবু বাড়াতে নিজের কারদানি,

পোড়া ডাক্তারে করে টানাটানি ;

পোড়ায় শাল-দোশালা খাট-বিছানা,

ঝুলি কাঁথা কিছু বাছে না,

শেষে ফস্তু খুলে মস্তারাম,

ঘুচায় রুগীর জন্মের পাপ ।

দোহাই দোবার ঠাই যে না পাই,

কারে জানাই মনের তাপ ॥

(জনৈক ইংরাজ ডাক্তারের প্রবেশ)

ডাক্তার । এ ! তোমলোককো বদন্ পর্ তাপ উঠতে ?

মুড়্ কুড়্ তে ? দেমে দরদ মালুম হোতে ? হ্যালো ! তোমরা

ছাতিয়ামে বড়া ভারি গ্যাণ্ড (gland) উঠা দেখতে, Bubonic

fever ! Bubonic fever ! ঠাড়ি রহো । এ Compounder !
পাকডো পাকডো ! আনামীকো ভাগনে মৎ দেও, হাম্ operate
কব্কে উসকো লছ টেস্ট (test) করেসে ।

স্বাগণ । বাবারে খেলেরে মাল্লেরে !

[প্রস্থান ।

ডাক্তার । এ Compounder ! রোকো রোকো, ডাণ্ডা
লাগাও, ভাগনে মৎ দেও ! (পশ্চাৎ পশ্চাৎ গমনোদ্যোগ)

(জনৈক প্রতিবেশী যুবকের প্রবেশ)

যুবক । Rascal ! We are tired of your frequent
brutalities. If you stir an inch again, I will knock
down your head and examine your deranged brain
wherein germinates the mania of Bubonic fever.

ডাক্তার । Ah ! I see this is an obstruction to my
frenzy. Wretch ! I'll soon have an end of your
impudence —Constable ! Constable !

যুবক । Hang your Constable, you naughty
devil ! I will sing and ring throughout the land “Fiat
Justitia luet celum !”

[প্রস্থান ।

ডাক্তার । Constable—Constable—

নেপথ্যে যুবক । Howl, howl you old fool and bark
and bark and bark like a Pariah dog—no one would
attend to your call and not a mouse would stir ! Better

walk and walk and walk like the Wandering Jew—on
your fantastic head the Adam's mug.

[ইংরাজ ডাক্তারের প্রশ্ন ।

বর্ষ দৃশ্য ।

ত্রিবেণী—গঙ্গাতীর ।

(কতিপয় পুরুষ ও স্ত্রীলোক এবং ব্রাহ্মণগণ আসীন)

জ্ঞানৈক ব্রাহ্মণ—

(গীত)

আমি কার কাছে জুড়াব,

হায় হায় বয়েস দোষে কতই সব ।

অভাগার কপাল গুণে, প্রতিবাদী আপন জনে,

মিলে ছজন, করে জ্বালাতন, বারণ না শোনে ;

ইচ্ছা হয় যে ভেসে পড়ি,

প্রাণের দায়ে করতে নারি,

অতল জলে পড়ে কি শেষ প্রাণ হারাব ॥

ভরা গাঙ্গে জোর বে ভারি,

সামলায় কেবা সাঁড়া সাঁড়ি,

চেউ দেখে যে ভয়ে মরি,

ভাঙ্গা নায়ে কে দেয় পাড়ি,

এমন কাণ্ডারী বা কোথায় পাব !

স্বজন কাণ্ডারী বা কোথায় পাব !

নিপুণ কাণ্ডারী বা কোথায় পাব !!

প্র-স্ত্রীলোক । আ মরণ ! গানের ছিরি দেখ ! বুড়ো হয়েছেন, টিকিতে বুথকাঠ বাঁধা কাছা ধরে যমরা টানাটানি কচ্ছে তবুও সকের প্রাণ হামাগুড়ি দিচ্ছে ! যোগে নাইতে এসে বুড় মিনসের গঙ্গাস্তব গেল, ঠাকুরদের নাম গেল, বিদ্যাসুন্দরের উপা গাইছেন ! এঁরা আমাদের দেশের অধ্যাপক ভট্টাচার্য্য ।

দ্বি-স্ত্রীলোক । ও বোন্ ! ঐ বামুনগুলোইতো সকল কুকর্মের মূল ! ধনের লালচে কড়ি-পিশেচেরা কোন কুকাছে পেছপাও হয়না ।

তৃ-স্ত্রীলোক । আর শুনছিঁস ? কলকেতার একজন অধ্যাপক ভট্টাচার্য্য সাহেবদের পেয়ারের লোক হবে বলে কুকুরের মতন তাদের পাতের এঁটো খানা খায় ?

প্র-স্ত্রীলোক । হাঁ বোন্, সেদিন তাঁর কাছে শুনছিলুম বটে । সে মিন্সে নাকি সাহেবদের সঙ্গে হাওয়া খেতে কি একটা পাহাড়ে গিয়ে বড় চলিয়েছে !

দ্বি-স্ত্রীলোক । কেন হাওয়া খেতে পাহাড়ে গেল কেন ? আর কি কোথায় হাওয়া নেই ?

তৃ-স্ত্রীলোক । ওলো তা নয় তা নয় । আজকাল বাবুদের পাহাড়ে হাওয়া খাওয়া রোগ হয়েছে । সাহেবরা বাবুগোছের হিঁহুদের খাবার ও সাহেবদের খাবার আলাদা আলাদা হেঁসেলের বন্দোবস্ত করেছে । ঐ ভট্টাচার্য্য মিন্সে বাঙ্গালা

খানায় মন উঠল না বলে সাহেবদের সঙ্গে মিশে গেল। একটা হেঁসেলের সাহেব তার সঙ্গে রগড় করে তার হাত ধরে যে গানটা গেয়েছিল আমাদের তিনি সে গানটা আমায় শিখিয়ে দিয়েছেন।

প্র-স্ত্রীলোক। কি গান ভাই কি গান? বলনা শুনি।

তৃ-স্ত্রীলোক। দূর পোড়ারমুখী! এত লোকের সামনে মেয়েমানুষ গান গাইব কেমন করে?

দ্বি-স্ত্রীলোক। মেলার ঠেলায় নাটঘাট হয়ে যখন ভিড়ে নাইতে চলিছিস তখন আর একটা রগড়ের গান গাইতে পারিসনি? ডুবে জল খেলে শিবের বাপেও টের পায় না, গোলে হরিবোল দিলে কে শুনতে পার? আর এত ভিড়ের মধ্যে তোমায় কেইবা চিনবে যে তুমি অমুক লোকের মেয়ে অমুক লোকের বউ এখানে এসে গান গাচ্ছ? যতক্ষণ আমরা অন্দরে বন্ধ থাকি ততক্ষণই আমাদের আবরু একবার বাইরে বেরুলে আমাদের আর পায় কে? ষাঁড়িনীর মতন ধাওয়া করে ধাক্কা দিয়ে পুরুষগুলোকে ছড়িয়ে ঠেলে দিয়ে বেড়িয়ে বেড়াই। কি গান শিখিছিস ফাঁকায় গেয়ে ফেলে আপনার পেট খাণ্ডাস কর্ আমাদেরও হাসিয়ে মেরে ফেল্ আর ঐ জামাজোড়া-পরা ভেকো পুরুষগুলোর মুণ্ডু ঘুরিয়ে দে।

তৃ-স্ত্রীলোক। তোরা ভাই আমায় পাগল পেয়েছিস নিতান্ত ছাড়বিনি? তবে শোন। সেই হেঁসেলওলা সাহেব সেই টিকিওলা অধ্যাপকটাকে চোঙ্গার বঁাদর সাজিয়ে তাকে টিকি ধরে নাচাতে নাচাতে এই গান গেয়েছিল—

(গীত)

Impudent offspring of a low Brahmin !
 Adroit hypocrite, Hindu erudite, glutton so mean !
 If nothing would cost you to cast off caste,
 Smash orthodoxy, be at once an outcast !
 Then pooh pooh to *sooktani*,
 Soak soup *molecktani*,
 Drink Brandy-*pani*, cross *Kala-pani*,
 Bid adieu to your old *grihini*,
 Jump and dance—there is a chance—
 Sing and sink—swoon soon on the bosom of syren !!

(জনৈক মাতাল ব্রাহ্মণের প্রবেশ)

মাতাল ।—

(গীত)

মাইরি বলছি সোণামুখী তোরে বড় ভালবাসি ।
 নইলে কিলো এ ভোর বেলা,
 মজা ছেড়ে নাইতে আসি ॥
 ফাঁকায় ঢুকে রান্নাঘরে, শিকে হতে হাঁড়ী পেড়ে,
 ঢাকন্ খুলে টকের মাছ সব,
 এনেছিলেম চুরী করে,
 বুঁদ হয়ে প্রাণ বাঁধা-নেশায়,
 চোখ বুজে কাল কাটাই হাসি ॥

ঘর কন্নাতো সব পুড়িয়েছি,
 মাগ ছেলেকে ভাসিয়ে দিছি,
 তুই নাইতে এলি ফেলে মোরে
 চিকণদাঁতে দিয়ে মিশি,
 তাই বক্নাহারা এঁড়ের মতন
 খুঁজতে তোরে ছুটে আসি ॥

সোণামুখী বলে আজ অর্দ্ধোদয় যোগ, গঙ্গা নাইলে চার
 চোদ্দং ছাপ্পান পুরুষ উদ্ধার হবে আর নিজের সকল পাপ
 কেটে যাবে। বাবা! আমার চোদ্দপুরুষকেতো হাড়ি মেথর
 মুদ্দফরাস রাতদিন উদ্ধার কচ্ছে—আমার সোণারতো এক-
 বারও আমার বাপ চোদ্দপুরুষ উদ্ধারে মুখ কামাই নেই।
 তবে আমোদ ছেড়ে ভোরের বেলা কোমর বেঁধে জলে ডুবে
 সে হরির-খুড়া বেটাদের কি আর উদ্ধার করতে যান!
 তবে সোণামুখীর টাঁদমুখের কথাটা রাখবার জন্তে ভড়তে
 পুড়তে এ ভোরবেলা নাইতে ছুটে এলেন। যদি তার শ্রীমুখের
 কথা সত্যি হয়, এস্তকনাগাদের সকল পাপ কাটবে, বাপ চোদ্দ-
 পুরুষও উদ্ধার হবে।

[স্নান করিতে গমন।

প্র-স্ত্রীলোক। (স্নানান্তে) পিশ্ঠাকরণ! রোদ উঠলো,
 চন্ড বাছা, এই বেলা বাড়া যাট, নইলে তিনি রাগ করবেন।

দ্বি-স্ত্রীলোক। হাঁ, চল, আমাকে গিয়ে আবার কুঠির রান্না
 রাখতে হবে।

[সকলের প্রস্থান।

সপ্তম দৃশ্য ।

কলিকাতা—গোয়ালপাড়া ।

ড্রেণেজের ঝাঁঝির মুখে মহামারী আপন কক্ষ হইতে

প্যাণ্ডোরা-বাক্স খুলিয়া একটি খালি শিশি

লইয়া যত্নে ছিপি বন্ধ করণ ।

(কলির প্রবেশ)

কলি । ওরে হতভাগা, তুই আপনার কাজ ছেড়ে ড্রেণের
ধায়ে বসে কি বাদরাগি করছিস ?

মহামারী । বড় বাদরানি নয় মহারাজ ! সব শুদ্ধ সাবা-
ড়ের যোগাড় করছি । নটকায় আগুন না ধরালে কি শীগ্গির
ঘর ছারখার করা যায় ? সদাশয় রেল কোম্পানীর দয়ালু জল
নিকেশের নালা ডোবা বন্ধ করে ম্যালেরিয়া রোগের জন্ম
দিই । বেটা বড় চৌকশ ছেলে, জন্মেই অঞ্জনানন্দনের মতন
লাফিরে একেবারে সূঁষা মামাকে গেলবার মতলব করেছিল ।
উলোয় তার বাল্যলীলা মেরে, রাত বঙ্গ সমস্ত বাঙ্গলা দেশটাকে
ভায়রান পোবেসান করে তুলেছে । মাঝে মাঝে বদখত্ কুই-
নাইন্টা, ডিঃ গুপ্ত, বিজয়া-বটিকাটা গিয়ে বেটাকে এক এক-
বার ভাড়া লাগায়, কিন্তু সের্কি তা শোনবার ছেলে ? আপ-
নার গঙ্গী জ্বর পিলে যক্ষ্মে অগ্রমাসদের এগিয়ে দিয়ে সারা-
বাঙ্গলা হিজলি কাঁথি করে তুলেছে । ছেলে, জোয়ান, বুড়ার
সব একধারা, সকল বেটাই টি টি কছে, কারুর কোমরে বল
নেই, হাই তুলতে চোয়াল আটকায় ।

কলি। আরে, সেতো আমি জানি, রেলওয়ে আমলাদের পরামর্শ দিয়ে, জল নিকেশের পথ বন্ধ করে, মতলব হাসিল করিছি ; তুই বেটা এখানে বসে কি কচ্ছিস তা বল ?

মহামারী। আজ্ঞে সেই কথাইতো নিবেদন কচ্ছি। সে ম্যালেরিয়া কলকেতার মিউনিসিপ্যালিটির স্যানিটারীর জোরে বড় এগুতে পারে না। মিউনিসিপ্যালিটির বাহাদুরীতে এই ড্রেনের মধ্যে এক রকম নূতন ম্যালেরিয়ার উৎপত্তি হয়েছে, সেই ভূতটাকে শিশির মধ্যে ঢুকিয়ে ছিপি এঁটে রাখছি, সময় পেলেই মহল্লায় মহল্লায় ছেড়ে দিয়ে দোপট্টি মাঠ করে দেব।

কলি। বেশ, বেশ, মন্দ মতলব নয়। আমি ঐ মিউনিসিপ্যালিটির স্বাস্থ্য রক্ষার কর্মচারীদের ভূসীপোরা মাথায় “বিউ-বনিক ফিবারের” ফিন্কে ছেড়ে এমনি মজা খেলিছি, যে বোমার বাঙুলে আগুন দিলে যেমন সব তোলপাড় ছারখার করে, সেটাও তেমনি রাজার জোরে ঘর-পোড়ার মতন তার দলবলের লোকগুলোর মুখ পুড়িয়ে দিয়ে, হোসেন খাঁর মতন এই দারুণ দুর্ভিক্ষের সময় বাসুন্দের কষ্টের টাকা বোম্বাটে উড়িয়ে দিচ্ছে। ধাপায় ঠাঁসপাতাল—ধাপায় শ্মশান ঘাট,—গঙ্গা বেটা ভারত ছাড়া হবার আগেই তাব মাহাত্ম্য লোপাট করে দিয়ে, লোকগুলোকে কুস্তীপাকে ফেলব।

মহামারী। তবেতো ভজুর, এবার আপনার বাজী ভোর, পুরোজোরে রাজত্ব করবেন !

কলি। দুর্ভিক্ষকে মহাজন সাজিয়ে, দেশের গোলাগঞ্জ লুটে বাইরে চালান দিয়ে, এখানকার লোকদের জন্তে বুড়ো আঙ্গুল নাড়তে বলিছি। এ বিষয়ে এখানকার রাজপুরুষেরা আমার

বড় সাহায্য কচ্ছে । ফ্রি ট্রেড্ বজার রাখবার মতলব, তাদের মাথায় ঢুকিয়ে এই মজা খেলিছি ।

মহামারী । আপনার ডাইনে বাঁয়ের চিনির নৈবিদ্য মদিরা ও অনাচার সহরে কি কচ্ছে ?

কলি । তারা একাকার মেজমার করে সহর জজিয়ে দিলে—হাড়ী গুঁড়ী বেগে বামুন একপাতে খায়, নবী, পীরু, নিগুমগু, কুশোকেওরা ও ইঁদে মেথর হোটেলগুলাদের দোকানে অনেক বাবুভায়াকে ছুবেলা পাত পাড়ায় । মামার দোকানে দিনের বেলা দাঁড়াভোগ মারতে কেউ আর পেছপাও হয় না, সারারাত্রি পাছদোর দিয়ে রপ্তানির কামাই নেই । এই বড় দিনের মেলায় বাবুবিবিদের ঠেলায় স্নেচ্ছ যবনগুলোর খোষ খানায় আকাল করে দুলেছে । শুনছি নাকি, এবার সহব দেখতে তিন বেটা বোসপুরোণো আদ্যনাথ, গদি করতে স্বর্গে থেকে বেঁড়ে চিলের মতন, বাহন ছেড়ে পাঁওদলে এসেছে ; সহর কোটালকে খবর দিয়ে বেটাদের “রসিয়ান্ স্পাই” বলে ধরিয়ে দিয়ে রগড় বাধাইগে । তুই বেটা ততক্ষণ দেশবিদেশ থেকে তরবেতর রকম রোগের আমদানি করে পাড়ায় পাড়ায় বেড়িয়ে কুলোঝাড়া কর ।

মহামারী । যে আন্তে হজুর । আমার এই পেঁটরার মধ্যে যে গুলিকে পুষে রেখেছি, এর এক একটা দিকপালের ক্ষমতা রাখে । আপনি চিন্তিত হবেন না, আমিও সাজ সরঞ্জামে পুরো যোগাড়ে বেরিয়েছি ।

কলি । দেখ, উড়ে নেড়ে মগ্ চীন্ ছাতুখোরদের চত্বরে আগে ঢুকিস, তারপর বাঙ্গালীটোলা । মাঝে মাঝে এক একটা

সাহেব সুবোর ঘরে ঢুকিস, নইলে আগেভাগে সরপট সাহেব-টোলায় ঢুকলে কৌশলে গ্রেপ্তার করে ফেলবে। যা বল্লেম, তাই কর্গে যা, আমি সেই বুড়ো তিন বেটাকে কলকেতা থেকে তাড়াবার ফিকির করিগে।

[উভয়ের প্রস্থান।]

অষ্টম দৃশ্য।

কালীঘাট—নাটমন্দির।

(ব্রহ্মা ও বিষ্ণুর প্রবেশ)

ব্রহ্মা। বলি ভায়া হে ! বরুণের হুজুগে স্নেচ্ছদের রাজধানী দেখতে ঘরবাড়ী ছেড়ে ছড়তে পুড়তে এই দূর দেশে এসেছি। সহরে যা দেখলেম, তাতো সবই আমার অনাস্থ বলে বোধ হচ্ছে ; বিশেষতঃ আমার গঙ্গা মায়ের দুর্দশা দেখে আর একদণ্ডও এখানে প্রাণ তিষ্ঠুচ্ছেনা। মাকে আমার বেটারা একেবারে হাতে গলায় বেঁধে ফেলেছে, শীগ্গির মাকে এখান থেকে নিয়ে যেতে হচ্ছে।

বিষ্ণু। দাদা মহাশয় ! গঙ্গা দেবী সক করেতো আপনার কমণ্ডলু থেকে তেড়ে ফুড়ে বেরিয়ে হতছাড়া ভারতবাসীদের উদ্ধার করতে ব্রহ্মলোক থেকে এখানে এয়েছেন, যেমন কর্ত্ত তেমনি ফলভাগ করুন ! হুনিয়ার জীবকে উদ্ধার করতে এয়েছেন, কিন্তু আপনার প্রাণ নিয়ে এখন টানাটানি ! কলির

রাজত্ব, আমরাই প্রাণ নিয়ে পালাচ্ছি, গঙ্গা মেয়েমানুষ, কি বলে এখনও এখানে রয়েছেন বলুন দেখি ? যাক, ও কথা এখন যাক । আমাদের প্রতিমেগুলোর মর্ত্তো দুর্দশা স্বচক্ষে দেখলেন তো ? কোনটার নাক কাটা, কোনটার কাণ কাটা, কোনটার মাথায় ঢেঁকির পাড় পড়ে ডোবর হয়ে গেছে ! চন্দ্রনাথে মেজদাদা স্ফূর্ত্তি করে আসন্ন জারি করে বসেছিলেন, বুনো নারকেল ঠুকে চাঁচি উড়িয়ে দিয়েছে, এখন নেপালে বরফ-জলে মস্তিষ্ক ঠাণ্ডা কচ্ছেন । আরঙ্গজীব বাদসাতো কাশী হতে তাঁকে তাড়িয়ে, তাঁর মন্দির ভেঙ্গে মসজিদ করে দিয়েছে, তবু দাদার কাশীর উপর এমনি টান, নারায়ণেশ্বরের গহ্বরের নীচে পাতালপুরীতে একটা বাড়ী করে বাস কচ্ছেন, তাতো স্বচক্ষেই দেখে এয়েছেন । দাদাকে কলকেতা দেখবার জন্তু কত অনুরোধ কল্লেম, বৌ-ঠাকরুণকে একলা ফেলে আসতে হবে বলে এলেন না । যাক, আজ ফদিন তো আমরা এই গো-খাদক মহাত্মাদের সহরে ঢুকে খেতে পাইনি, ক্ষিদে তেষ্টায় প্রাণ ছটফট কচ্ছে, কিছু না খেলেতো আর বাঁচনি । এখন খাইবা কি, আর কোথায় বা খাই ?

ব্রহ্মা । তোমার খাবার বরং ঠাই আছে, অনেক জায়গায় তোমার মন্দিরও প্রতিষ্ঠিত আছে, কিন্তু আমি বুড়োমানুষ, একেবারে মারা গেলেম । পৃথিবীতেতো আমার পূজার পাটই নেই, তা খাই কোথা বল ?

বিষ্ণু । দাদামশাই ! তবে চলুন, যোগেযোগে শ্রীক্ষেত্রে পৌঁছান যাক, সেখানে আটকে বাঁধা, খাবার অভাব নেই ।

ব্রহ্মা । তা এতদিন যখন অনশনে কেটেছে, আরও ছ এক-

দিন থেকে সহরটা ভাল করে দেখে, তারপর আন্তি পুরেসেখানে প্রসাদ পেয়ে স্বর্গে চম্পট দেওয়া যাবে।

বিষ্ণু। আর কি ছাই দেখবেন বলুন! গো-হত্যা, ক্রম-হত্যা, অখাদ্য-ভক্ষণ, ব্রাহ্মণের যজনযাজনহীনতা, ধর্মদেষ্টা দেববিজদেষ্টা জজমানদের ভাচ্ছীল্য দেখতে আর প্রবৃত্তি হচ্ছে না।

ব্রহ্মা। ভায়া, এ সব গুলিতো তোমারই নিয়মে হয়েছে! চারযুগের ভার চারজনকে দিয়ে, যুগ-মাহাত্ম্য প্রকাশ করাচ্ছ! এখন আর ক্ষোভ কল্লি কি হবে?

বিষ্ণু। দাদামশাই! একাকারের এগনও অনেক বাকী, কিন্তু এরি মধ্যে এত বাড়াবাড়ি হবে তা আগে ঠাওরাইনি। সোঁদিন হেঁদোর ধারে বালকদের বিদ্যালয়ে বড় বড় জুড়ি গাড়ীর আমদানি দেখে, পাশ কাটিয়ে ঢোকবার প্রয়াস করেছিলেম, কজন শিখের কথায় শিউরে পেছ কাটিয়ে পালিয়ে এলেম।

ব্রহ্মা। কেন কেন? দেখতেই বা গেছেলে কেন? আর ফিরেই বা এলে কেন? শিখেরাই বা কি বলেছে?

বিষ্ণু। তারা বিদ্যালয়ের সামনে গাড়ীর ভিড় দেখে গমকে দাঁড়িয়ে একজন তাদের দলকে জিজ্ঞাসা কল্লি “এ ভাই! হিঁরা কা হোতে? বড়ি বড়ি বগ্গি খাড়া হায়, কুচ্ ভাড়ি কারগানা হায়?” তাদের দলের আর একজন বলে “আরে নেই নেই, কারখানা উরখানা কুচ্ নেই, ফিরিঙ্গীলোক হিঁরা গোলামবাচ্ছা কো পোঁড়্ বানাতে।” আমি সে কথা শুনে, বাঙ্গালাদের দুর্দশা চিন্তা করে দুঃখে অধীর হয়ে সেখান থেকে চলে এলেম!

(মন্দির ভিতর হইতে মহাদেব, ভগবতী ও নন্দীর প্রবেশ)

মহাদেব । আস্তে আস্তা হোক দাদামশাই ! এস ভাই এস ।

বিষ্ণু । মেজদা, আপনি কোথা থেকে এখানে এলেন ?

মহাদেব । তোমরাও যেখান থেকে আমিও সেইখান থেকে । কানী থেকে তোমরা কলকতা দেখতে এলে, ভগবতী আসবার জন্য বিষম আবদার করতে লাগলেন, কাষেকাষেই আমাকে সঙ্গে করে আনতে হ'ল ।

ব্রহ্মা । কিসে এলে ভাই ?

নন্দী । আসবেন আর কিসে ? বরাবর পা-পাড়ীতে । রপটে রপটে প্রাণ কঠাগত হয়ে গিয়েছিল, শেষে মায়ের মন্দিরে এসে হাঁফ ছেড়ে প্রাণ বাঁচিয়েছি । আজ কদিন ভোর-পুর ছবেলা খেয়ে, সকলের চেহারা শুধরেছে, একটু সুস্থিও নেবেছে ।

বিষ্ণু । তা হবেই তো, অন্নপূর্ণা যখন সঙ্গে এসেছেন তোমাদের কষ্ট কি বল, আমাদের কেবল হাড়ীর হাল, কুস্তোর নাকাল ! অন্নকষ্টে প্রাণ ওঠাগত হয়েছে, বৌ ঠাকরুণ ! যদিও বেলার পরিষ্টি ভাত থাকে ছুটী দাও খেয়ে প্রাণ তাজা করি । একবার চেয়ে দেখ—বড়দাদার ভোঁচকানি লেগেছে, আর দেহি-কোরনা, ঘরে বা আছে এনে ধরে দিয়ে আমাদের প্রাণ বাঁচাও । আমি পালাই পালাই কচ্ছিলেম, বড় দাদা স্তোক দিয়ে এতক্ষণ পর্য্যন্ত আমার ধরে রেখেছেন ।

ভগবতী । ঠাকুরপো, আজ ভাই তুমি কে আমার বড় সজ্জা দিলে ! এত রাত্রে এখন কোথায় কি পাই বল ঘেবি ? ঘরে বা আমদানি আসে, হালদার পূজোরীতে আমার

চোখেও দেখতে দেয়না, টেনে নিয়ে ঘরে পোরে। এ স্থানটা আমার অনেকদিনের প্রিয় বলে, আমার দারে কখন কখন এসে থাকি, কিন্তু এখানকার অভ্যাচারে ভিষ্ঠুতে না পেরে, আবার পালিয়ে যাই। আমাকে শুকিয়ে রেখে রেখে পাথুরে গাই করে তুলেছে। ক্রমাগত ছুয়ে ছুয়ে বাঁট দিয়ে রক্ত বার করে দেয়, কখনও ভক্তি করে এক আঁজলা গঙ্গাজল কি এক মুঠো বেনপাতাও দেয় না। যাহোক তোমরা এসেছ, যদি মিষ্টান্ন খাও, নন্দীকে পাঠিয়ে এখনি কারো ঘাড় ভেঙ্গে আনিরে দিই।

বিষ্ণু। না বৌ-ঠাকরুণ, তা হবেনা, কদিন ছাই মিষ্টান্ন খেয়েই দিন কাটিয়েছি, ভাতের জন্ত আজ প্রাণটা টা টা কচ্ছে। যদি একটু মাছের ঝোল আর চারটা গরম ভাতের যোগাড় করে দিতে না পার, নিদেন ভাতে ভাত চাপিয়ে দাও।

ভগবতী। চাপাব কিসে? ঘরে যে চাল বাড়ন্ত! ঐ মন্দিরের কোণে শুধু একটা করলা পড়ে রয়েছে।

বিষ্ণু। অন্নপূর্ণার ঘরে চাল নেই, আমাদেরও অদৃষ্টে ভাত নেই!

মহাদেব। নন্দী! আমার তিন্দের ঝুলিটা ঝেড়ে দেখদেখি বাবা, যদি ঝটতি পড়তি ছটা পাওয়া যায়।

নন্দী। আজ্ঞে, আপনার ঝুলির চাল গণেশদাদার বাহনে নিকেশ করেছে। আর এখানে এসে বদ হাওয়ার বড় অস্থলের দোষ জন্মেছে, আমি রোজ সকালে তাই এক মুঠো করে চাল খেয়ে থাকি। দেখি, যদি মুঠো পাঁচ ছয় চাল সিদ্ধির ঝুলির কোণে পড়ে থাকে।

ভগবতী। ঠাকুরপো! ঐ যে লোকে বলে "অদৃষ্টে করলা

ভাতে, বিচি গজগজ করে ভাতে," বোধ হয়, তোমাদের ভাগ্যে আজ তাইবা ঘটে । কিন্তু এ রাত্রে তেল নুন মেলা ভার ।

বিষ্ণু । আর তেলনুনে কাজ নেই, ফেনে-ভাতের জাবনা পেলে এখন প্রাণ বাঁচাই ।

ভগবতী । তবে ভাই আমি এখন তোমাদের রসুয়ের উজ্জুগ করতে চল্লেখ । নন্দী ! তুই বাবা এক কাজ কর, মালাপাড়ায় ঢুকে একখানা খেপলা জালের যোগাড় করে আন, এই মন্দিরের পূর্বধারের এঁদো পুকুরটার মাথা ঘুরিয়ে এক খেপ ফেলে, ছটো একটা শোল নেটা মিলতে পারে । আজ শনি-বার, মাছপোড়া-ভাত খেলে ঠাকুরপোর শনির দশা কেটে যাবে, আর গণ্ডকী শিলার পাথর কাটতে হবে না ।

বিষ্ণু । যখন অন্নপূর্ণার শ্রীচরণ দর্শন করেছি, তখন আমার শনির দশা কেটে গেছে ।

মহাদেব । বৌ, আর কথার মারপ্যাচে মিছে কাল কাটিওনা । এঁরা ক্ষিদেয় আকুল হয়েছেন, শীগির চারটা ভাত চড়িয়ে দাও । আমি সন্ধ্যার সময় দেখিছি, রান্নাঘরের কোণে কলাপাতে নুন আছে, একটা নূতন হাঁড়ীও আছে, আর ঐ রোরাকের ধারে পাথুরে কয়লাও পড়ে আছে দেখিছি ।

ভগবতী । ভাতো সব আছে, এখন আগুন পাই কোথা ? দেশলাই যে নেই ?

মহাদেব । আমি চকমকি বেড়ে শোলার আগুনে গাঁজার রস মেরে এখনি আগুন জালিরে উনুন ধরিয়ে দেব, না হয় আমার কপালের আগুন থেকে পাথুরে কয়লা ধরিয়ে নাও । বড়দাদার কয়লুতে গঙ্গাজলও আছে, যাও চাপিয়ে রাগে

থাওয়া দাঁওয়া চুবলেই উইলসন্ হোটেলের জমজমাটী
সাজানটা একবার দেখিয়ে আনব ।

[ভগবতী ও নন্দীর প্রস্থান ।

বিষ্ণু । ভাল কথা মেজদা মনে করে দিয়েছেন । সাহেবদের
এই সময় নাকি বড় থিয়েটারের ধুম হয় ? শুনছি খৃষ্টমাস
প্যাণ্টোমাইমে তাদের বড় ঘটায় আয়োজন ! আমি কখনও
দেখিনি, ইচ্ছা হচ্ছে যে কাল সবাই মিলে দেখব । টিকিটের
দাম কত ?

মহাদেব । ক্ল্যাশ বিবেচনা করে—এক টাকা, দুটাকা,
তিনটাকা, চারটাকা, এক একটা বক্সের দাম চোদ্দটাকা,
রয়েল বক্স একশ টাকা হলে রিজার্ভ করা যায় ।

বিষ্ণু । বটে বটে ? আমরা কখনে তবে তাদের রয়েল
বক্সে বসে কাল থিয়েটার দেখব ।

ব্রহ্মা । টাকা দেবে কে ?

বিষ্ণু । লাগে টাকা দেবে গৌরীসেন । কুবেরের কাছে
হ্যাণ্ডনোট কেটে নেব । টাকার ভাবনা কি ?

ব্রহ্মা । অ্যাঃ ! ভায়া ! সংসর্গ দোষে তোমার চাল
বিগড়েছে দেখছি । কাপ্তেন বাবুদের মতন ভূমি এখানে এসে
হ্যাণ্ডনোট কাটবে ? বোমা বড় চঞ্চলা ! একথা শুনে রাগ
করে তোমায় ছেড়ে চলে যাবেন ।

বিষ্ণু । এখন এ ব্যয়েসে রাগ করে আর কোন চুলোর
যাবেন ?

ব্রহ্মা । যাবেন বলছ কি ভায়া ! তাঁরকি বাবার ঠাই

নেই ? এই স্নেহেরা যতই ছুফুফু করুক না কেন, বৌমার প্রিয় ভক্ত । তাদের সকলকার উপরেই তাঁর বিশেষ অমুগ্ধতা । তারা দিনরাত তাঁর আরাধনা কচ্ছে, অবসর পেলে তাঁকে ভুলকুমিতে ভুলিয়ে জাহাজে তুলে সমুদ্রপারে নিয়ে গিয়ে এখনি তোমার এই সোণার ভারতকে একেবারে লক্ষ্মীছাড়া করে দেবে ।

বিষ্ণু । তবে দাদা মশাই একথা চেপে রাখুন, সোর সরাবৎ করবেন না, তাঁর চর চারদিকে আড়ি পেতে থাকে । যতক্ষণ না বৌঠাকরুণের রাগা শেষ হয়, চল ততক্ষণ আমরা কালীঘাটটা একবার বেড়িয়ে আসি ।

সকলে । সেই ভাল, তবে চল ।

[সকলের প্রস্থান ।

নবম দৃশ্য ।

রঙ্গমঞ্চ

ইন্দিতাভিনয় ও রঙ্গিনীদিগের নৃত্য ।

দশম দৃশ্য ।

ইডনপার্ক

(ব্রহ্মা, বিষ্ণু, মহাদেব, নন্দী ও ভৃগবতীর প্রবেশ)

ব্রহ্মা । বাবা ! অদ্ভুত কারখানা! দেখে আমি হকচকিয়ে গেছি !

মহাদেব। আমিতো সিদ্ধি খেয়ে অপক্লপ ব্যাপার দেখে একেবারে ভোমা মেরে গিয়েছিলেম। ভগবতী ফেরারীদের সঙ্গে মিশে যাবার জন্য ফুকলি কাটাবার উদ্যোগে ছিলেন, ছোট ভায়া সাধি সাধনা অনুন্নয় বিনয় করে, তাঁকে আটকে রেখেছেন।

নন্দী। যাহোক ছোটঠাকুর! আমি জানতেম যে তুমি বড় চালাক চতুর, দেবতার! কোন বিপদে পড়লে তোমার পরামর্শ নিয়ে তরে যায়, কিন্তু এখানকার একটা সামান্য পকেট-মারা কারদানি দেখিয়ে তোমার নোট চুরী করে বেমানুম চম্পট দিলে ?

বিষ্ণু। আমরা বাপু সাদাসিদে লোক, কলির বিজ্ঞানবিৎ চোরদের অদ্ভুত কৌশলে তাই পরাস্ত হলেম। কিন্তু তুমি বেটা কি ভয়ানক কাজ করেছিলে বল দেখি ? রাগের ভরে একটা হেঁড়ে মাতাল ষণ্ডা দেড়ে সাহেব-দস্যুকে এক ত্রিশূল ঘারে “পপাত ধরনীতলে” করে দিলে বাবা! ভাগ্যে আমরা পালিয়ে প্রাণ বাঁচিয়েছিলেম, নইলে সারারাত লাল কাড়িকাঠের নীচে, মাতাল চোর, খুনেদের সঙ্গে হাবু গুণতে হত। স্নেচ্ছদের ছোঁয়া মুড়ি জলপান করে পেট টেলে পতিত হতে হত।

ভগবতী। যা বল আর যা কও, স্নেচ্ছদের রাজত্বের বড় সুবন্দোবস্ত। এদের ফাসান ও পসন্দ দেখে আমি তাদের উপর বড় সন্তুষ্ট হয়েছি। আশীর্বাদ করি যেন তারা দীর্ঘজীবী হয়ে ভারত্ব রাজ্য অবাধে শাসন করে আপন আরম্ভে রাখতে পারে। দেবাদিদের! তুমি তোমার ঈ বাঁটার-গোছা-পারা মস্ত জটাগুলো মুড়িরে ফেলে গোলাপী নারিকেল তৈল

কিন্দা পি, এম, বাগচীর সুবাসিনী তৈল মাথায় মেখে
বনেদী বিটকেল বোটকা গন্ধ যুচিয়ে দাও, বোস-পুরোণো
উকুনগুলো মেরে ফেলে, বাঘের ছাল ও ত্রিশূল ফেলে দিয়ে
ফ্যান্সি ড্রেস ও ষ্টিক হাতে করে ফটিকচাঁদা সেজে পার্কে
ইয়ার্কি দাওগে । বট্ ঠাকুরের ও নাউয়ের তনুর বয়ে বেড়ান
উচিত নয় । দিব্য চীনে পোর্সিলেনের কি ফ্যান্সী জাপানী
মগ কিন্দা হ্যামিল্টনের তৈয়ারী খোসখৎ সিল্ভার-প্লেটেড
ওয়ারটার-জগ হাতে করে বেড়ান উচিত । আর ছোটঠাকুরপো,
তোমার মাজ একরকম মন্দ নয়, তবে নন্দের বাধা বয়ে
মাথায় যে টাক পড়েছে, পিমের পেরি-উইগ পরে শীগির
টেকে ফেল, আর ঐ তেকেলে বাশের বাঁশীটাকে ডাইভোর্স
করে, হ্যারল্ডের দোকান থেকে একটা ফুট কিনে, ফ্যান্সি
ইয়টে চড়ে, ছারপোকায় ঘর ঘাগরাপরা ভুঁড়ে আহীরিণীদের
ছেড়ে, ফ্যাসানেবল্ ড্রেন্‌পরা বিড়ালান্ণী বিধুমুখীদের নিয়ে
রঙ্গরঙ্গ করগে, না হয় গহরজান্ এলাইজান্ সুবেজান্ লবে-
জান্ প্রভৃতি বাইজীদের কদরদান হয়ে আস্নাই করে মজ-
গুল বনে যাও । আর আগি কুস্মাস্ ড্রেস্ পরে, বেলভডিরার
কি বড়লাটের বলে মাস্ক ড্যান্সে এনগেজ হয়ে আশাবাই
নিবৃত্তি করিগে ।

(জনৈক ইংরাজী সহর-কোত্তওয়াল ও কতকগুলি

কনষ্টেবল পাহারাওয়ালার প্রবেশ)

কোত্তওয়াল । Ha ! Ha ! I have hunted you at last,
my galley-slaves ! Here, in this solitary bush rest at

random my jail-birds. Constables ! Constables ! Come quick and play a winter game with these wild pheasants. I'll manage myself with that hen-pecked old cock—(নন্দীকে লক্ষ্য করিয়া) What a hideous feature is that ourang-outang in human shape ! He has a very good cudgel in his hand, I see—just tie that ferocious baboon with a strong rope or chain—I'll make a present of him to the Chotto Lat in this Christmas Season and stall him in the Alipore Zoo.

(কনষ্টেবলগণের গ্রেপ্তার করিতে অগ্রসর)

বিষ্ণু । একি বিভ্রাট ! আমি যুগে যুগে হুর্দাস্ত দানব-গণকে দমন করে অবনীৰ ভার নিবারণ করিছি, দেবাদিদেব অনারাসে হুর্দমনীৰ ত্রিপুরাসুরকে বিনাশ করেছিলেন, আর ঐ রণচণ্ডী হুর্গা রক্তবীজ-কুলকে নিৰ্ব্বীজ করেছিলেন, চণ্ডমুণ্ড নিপাত করেছিলেন, শুভ নিশুভ বধ করেছিলেন, এখন কাল-প্রভাবে আমরা ফেরুপালের ভয়ে ব্যাকুলচিত্তে আত্মরক্ষার ব্যতিব্যস্ত !

(মহাদেবের দীর্ঘনিঃশ্বাস এবং প্রমথ পিশাচগণের আবির্ভাব ।

কনষ্টেবল পাহারাওয়ালার ও দর্শকবৃন্দের ইতস্ততঃ পলায়ন

এবং পিশাচগণের অন্তর্ধান । দেবদেবীগণ স্ব স্ব

বাহনে স্বর্গে আরোহণ ।)

(অঙ্গরাগণের আবির্ভাব ও নৃত্য গীত)

হুজুগের ভরে নবরাহা ধরে,
অমরে হায়লো মরতে এসে ।
হ'য়ে খানে খারাব নাস্তা নাবুদ,
প্রাণ নিয়ে পালায় অবশেষে ॥
গেল রসাতলে জারি জুরি,
খাটলো নারে ভারি ভুরি,
করে দেবে নরে জোরজবরি, যুগের মাহাত্ম্যবশে ॥
কাজ কি করে কৰ্মভোগ,
ছেড়ে দাওরে যাগ-যোগ,
দেও হরিসংকীৰ্তনে যোগ—
কলি ঘেঁসবে না আর তোদের পাশে ;
হরিনামের জোরে যাবি তরে ভবপারে অনায়াসে ॥

যবনিকা ।

